




نسخ و ادوات

حامد ۱۳۳۶



بر کون پیر فنی مجموعه مباحث
پک چوق آرا نیر اور نه ده مجموعه بولنز

اجند شرف خدمت اجدادی فراموش
آمارینه اسلافك رغبت اولمز

سمید پاره سنی قازاندم کتوردم، دیره رک سمیدجی یه برچوق آلتون ویرمک
صورتیله انعام واحسانده بولهرق خاطرینی تطیب ایتدیکنی قواس
باشیسی موسی آغا حکایه ایلرمدی .

پرتو پاشا حفیدی محمد عطا . (مابعدی وار)

مکتوب

مجموعه والالرینک کچنکی نسخه سنده پرتو پاشا حفیدی محمد عطا
بک افندی حضرتلرینک مکتوب عالیرنده پرتو پاشا کوله لرندن سیاهی
شیخ سعید افندیدن بحث اولدینی صروده زیرینه نوط اولهرق :
« سیاهی سعید افندی : فاتح جوارنده طاهر آغا درکاهی پوست نشینی اولدی ،
« علمادن و معمریندن بر ذات ایدی وفاتی ۱۳۰۰ حدودنده در ،
دینلمشدر . مرحوم سیاهی سعید افندی طاهر آغا درکاهنده بالفعل
مشیخته بولمیب سیدولایت درکاه شریفی پوست نشینی بولدینی حالد
۱۲۸۶ تاریخندن ۱۲۹۷ سنه قدر علاوه وظیفه اولهرق طاهر آغا
درکاهی مشیخته وکالتله بولمشدر . وفاتی دخی ۱۳۰۰ حدودنده اولیب
یوزباشی متجاوز اولدینی حالد ۱۳۲۰ سنه سنده در فی الحقیقه مشارالیه
صلحادن وحافظ کلام الله ، عارف وکامل برذات اولدیغندن وسیله
رحمت اولمق اوزره بیلدیکم قدر ترجمه احوالی مختصر صورتده تحریر
واهدا ایلورم .

پرتو پاشا کوله لرندن سیاهی شیخ سعید افندینک

ترجمه احوالی

سیاهی شیخ سعید افندی اصلاً سودان اهالی محترمه سندن ایدی .
قید اسارته کرفتار اولهرق مدینه منوره یه کتیرلمش واورادن پرتو پاشا
مرحومک دائرسنه کچمک مخدومی جمال الدین بک خدمته تعیین
ایدلمشدر .

پاشای مشارالیه کنديسند. درویش مشربلك حس ايتديكندن
اسكدارده سليميه درگاه شريفی پوست نشینی قطب العارفين الشيخ علي
بهجتی افندی حضرت تالرينك عالم آخرته انتقالندن صكره درگاه مذ كورده
وكالنده بولسان شيخ مشارالیهك خلفاسندن الشيخ ابراهيم حيرانی
افندی حضرت تالرينك خدمتده بولمقی اوزره كوندولمشدر. خدمتده بولندينی
اثانده، حرم اسكه سنده کی مکتبده خواجه حافظ قطب الدين افنديدن
حفظ قرآن عظيم الشانه بدأ ايدوب ۱۲۵۹ تاريخنده شيخ ابراهيم
حیرانی افندی به استانبوله عاشق پاشا محله سنده طریقت علیه نقشیندیندن
طاهر اغا درگاه شریفی توجیه اولمغله ابراهيم حیرانی افنديك معیت
عالیبرنده استانبوله نقل ایتمشدر. مدت مدیده درگاه مذ كورده اقامتی
اثناسنده آیاصوفیه امام اولی وكوچك بازار مکتبی خواجه سی حاجی
عبدی افندی حضرت تالريندن اكمال حفظ قرآن عظيم الشانه موفق
اولمشدر. وبوندن بشقه مدت مدیده فاتح جامع شریفنده تحصیل علم
ایله مشغول اولوب نسبت شریعت و طریقتی محافظه ایدر عارف کامل
بر ذات ایدی.

تقریباً ۱۲۸۲ تاريخلرنده عاشق پاشا محله سنده آسوده خاتون مکتبده
معلم اولمشدر. متماقباً محله مذ كورده واقع جامع شریف امامی
و جامع قربنده کی سید ولایت درگاه شریفی پوست نشینکی عهده
عارفانه لینه توجیه اولمشدر. ابراهيم حیرانی افندی حضرت تالرينك
مخدومی الشيخ محمد فیض الله افنديك ۱۲۸۶ تاريخنده وقوع وفاتی
وخدوملری بولنان بو حقیرك اولوقت حدیث السن اولسی حسیله تاریخ
مذكوردن ۱۲۹۷ سنه قدر ضمیمه صورتیه درگاه مذ كور مشیخت
وكالنده بولمشدر.

۱۳۲۰ سنه سی ربیع الاولك یكرمی بشنبی صالی كونی یوزیاشنی
متجاوز اولدینی وسید ولایت درگاه شریفنده قرق سنه یه قریب
اجرای آیین جلیل طریقتله مشغول بولندينی حالده عالم آخرته انتقال
ایلدی.

طاهر اغا درگاه شریفندہ غسل اولنوب فاتح جامع شریفندہ
 جنازہ نمازی بعدالادا عاشق پاشا جامع شریفی قارشوسندہ سید ولایت
 حضرتلرینہ خوابگاه اولان قبه عالیہدہ جناب سید مشارالہک قدم
 عالیلری جہتندہ یعنی تربہ شریفہک زقاق قبوسنہ قریب پنجرہاوکندہ
 دفین خاک غفران ایدلمشدر . افندم فی ۱ رمضان المبارک سنہ ۱۳۳۸
 طاهر اغا درکافی پوست نمینی
 علی بہجت

— مجموعہ —

شیخ افندی حضرتلرینک واقع اولان شوہمترلرینہ تشکراولنور.
 ذاتاً ، بزم مجموعہی جیقارمقدن وتراجم احوالہ متعلق بو کبی قیمتلی
 شیلری بالتحرری یازمقدن مقصدمن بیلدیکمزی دریغ ایتسامک
 وبیلمدیکمزی دہ اہلندن اوکرنمکدر . استانبولک معلوم اولان حریق
 خانمانسوزی کہ : کویا اسلافدن قالہ نہ قدر اما کن وصنایع وکتب نفیسہ
 وار ایسہ آنلری بتمامہا یاقوب محو ایتمکہ مأمور ایتش کبی ہرطرفی
 جولان ایلدیکی اثنادہ سید ولایت حضرتلرینک تربہ عالیلرینی دہ فراموش
 ایتمہرک برقاچ سنہ اقدام اوسنسکین بنا ایچنہ ہر فرصت بولہرق دخول
 ایتش واورادہ نہ قدر کتسابہلر ، لوحہلر ، پوشیدہلر ، ودہا نہ قدر
 قیمتلی شیلر وار ایسہ اونلرک جملہ سنہ دہ احما واحراق ایتش وبوکبی
 تاریخی ارتحاللر اکلاشلق موفقیتی مفقود قالمشدر . بناءً علیہ
 تربہلر دروندہ کی مراقد مبارکہ یہ یا اوقاف نظارتی ویاخود ہر محلہک
 اہل عمتی طرفندن لوحہلر تنظیم وتعلیق ایدلسہ دہا طوغریسی
 ہر جامع ومدرسہ وخانقاہک صورت بناسنہ واورادہ کیملر مدفون
 ایسہ علما وفضلا ومشایخک احوالہ دائر ہر کتاب یازیلوب ہر جامع
 ومدرسہ وخانقاہدہ موجود بولندیریلوب وقوعات ظہورہ کلدکچہ
 تذیل ایدلسہ ابقای نام اسلافہ وتاریخہ حسن خدمت ایدلمش اولور .